## Michael Smith "SUNDAY A COME"

Visit "SUNDAY A COME" on MotoLyrics.com

Sometime a siddung wit me heart full up an me face wet up for is a shame when yuh mumma breast wither up an yuh waan cry an yuh cyaan bawl for darkness between yuh world an yuh skin

but a like how yuh scratch dem drum fi know yuh name an whe yuh come from for dat note is a long note too long fi i sing it straight

but the yout dem talk a different talk dem a multiply dem step an dem a look inna de sun an dem naw tun back dem allergic to de scene

One an twenty Two an twenty Sweat an dry Pocket empty

an dem naw line up diggin dem dreams from no asphalted street wit no swollen mout an no blistered feet

so mek yuh tun me life pon me head meck we go walk

so meck we walk like a me did bun like a me did a bun bun down Cross Road bun down Cross Road

a doan like tell story for dat note is a long note too long fe i tell it straight

but a goin walk pon me blistered feet sing louder dan de abeng through me swollen mout an stan firm wid me puppa holograph drench in blood

Sunday a come

Visit Michael Smith page on MotoLyrics.com, to get more lyrics and videos.

<u>MotoLyrics.com</u> | Lyrics, music videos, artist biographies, releases and more.